

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

18 մարտի 2016թ.

N ----Ա

### ՈՐՈՇՈՒՄ

**ԿԱԶՄԱԿԵՐՊՎԱԾ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂԻ ՇԱՀԱԳՈՐԾՈՒՄԸ ՇԱՐՈՒՆԱԿԵԼՈՒ ԵՎ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂ ԿԱԶՄԱԿԵՐՊԵԼՈՒ ԻՐԱՎՈՒՆՔ ՏԱԼՈՒ ՄԱՍԻՆ**

Ղեկավարվելով «Ավտոտրանսպորտային միջոցների կայանատեղերի տեղական տուրքի մասին» Հայաստանի Հանրապետության օրենքի 13-րդ հոդվածով, Հայաստանի Հանրապետության կառավարության 2012 թվականի հոկտեմբերի 10-ի N 1293-Ն որոշման հավելվածի 2-րդ կետի 3-րդ ենթակետով և 3-րդ կետով, Երևան քաղաքի ավագանու 2013 թվականի դեկտեմբերի 10-ի N 93-Ն որոշմամբ, հաշվի առնելով Հայաստանի Հանրապետության ոստիկանության «Ճանապարհային ոստիկանություն» ծառայության 2016 թվականի մարտի 3-ի հ.17-3-3549 գրությամբ տրված համաձայնությունը՝

**Երևան քաղաքի ավագանին որոշում է.**

1.Թույլատրել «Նյու Ֆեշն Գրուպ» սահմանափակ պատասխանատվությամբ ընկերությանը՝ 2016 թվականի ընթացքում շարունակելու սույն որոշման N 1 հավելվածում նշված տարածքում և սահմանված պայմաններով 2015 թվականին կազմակերպված ծառայողական ավտոկայանատեղի շահագործումը:

2.Թույլատրել «ՌՈԼԻ» սահմանափակ պատասխանատվությամբ ընկերությանը՝ սույն որոշման՝ N 2 հավելվածում նշված տարածքում և սահմանված պայմաններով կազմակերպել ծառայողական ավտոկայանատեղ:

**ԵՐԵՎԱՆԻ ՔԱՂԱՔԱՊԵՏ**

**S. ՄԱՐԳԱՐՅԱՆ**

## ՏԵՂԵԿԱՆՔ-ՀԻՄՆԱՎՈՐՈՒՄ

### «ԿԱԶՄԱԿԵՐՊՎԱԾ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂԻ ՇԱՀԱԳՈՐԾՈՒՄԸ ՇԱՐՈՒՆԱԿԵԼՈՒ ԵՎ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂ ԿԱԶՄԱԿԵՐՊԵԼՈՒ ԻՐԱՎՈՒՆՔ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ՎԵՐԱԲԵՐՅԱԼ

«Ավտոտրանսպորտային միջոցների կայանատեղերի տեղական տուրքի մասին» ՀՀ օրենքի 13-րդ հոդվածի համաձայն՝

1. Ֆիզիկական և իրավաբանական անձինք կարող են դիմել համայնքի ղեկավարին՝ ավագանու որոշմամբ իրենց կողմից նշված տարածքում ավտոկայանատեղ նախատեսելու համար և վճարել ամսական կամ տարեկան տուրք ամբողջ ավտոկայանատեղի տարածքի համար: Տուրքի չափը հաշվարկվում է ըստ տվյալ ավտոկայանատեղում ավտոտրանսպորտային միջոցների կայանման տեղերի թվի և ավագանու կողմից սահմանված մեկ ավտոտրանսպորտային միջոցի դրույքաչափի:

2. Ավտոկայանատեղի ամբողջ տարածքի համար տուրք վճարած ֆիզիկական և իրավաբանական անձինք կարող են սահմանափակել կամ չսահմանափակել տվյալ ավտոկայանատեղում այլ անձանց կողմից ավտոտրանսպորտային միջոցների կայանման իրավունքը, սակայն իրավունք չունեն ավտոկայանատեղից օգտվողից գանձելու վճար:

ՀՀ կառավարության 2012 թվականի հոկտեմբերի 10-ի N 1293-Ն որոշման հավելվածի 2-րդ կետի 3-րդ ենթակետի համաձայն՝

**Ծառայողական ավտոկայանատեղ**՝ ավտոկայանատեղ, որի կազմակերպման իրավունքը վճարված տուրքի դիմաց հանձնված է որևէ իրավաբանական կամ ֆիզիկական անձի, որը կարող է սահմանափակել կամ չսահմանափակել տվյալ ավտոկայանատեղում այլ անձանց կողմից ավտոտրանսպորտային միջոցների կայանման իրավունքը, սակայն իրավունք չունի ավտոկայանատեղից օգտվողից գանձելու վճար:

Նույն որոշման հավելվածի 3-րդ կետի համաձայն՝ ավտոկայանատեղերի կազմակերպումն իրականացվում է համայնքի ավագանու որոշման հիման վրա: Ավտոկայանատեղերի տեղաբաշխումը համաձայնեցվում է ՀՀ կառավարությանն առընթեր ՀՀ ոստիկանության հետ:

Երևան քաղաքի ավագանու 2015թ. հունիսի 24-ի հ.364-Ա որոշմամբ ծառայողական ավտոկայանատեղ կազմակերպելու իրավունք էր տրվել նաև «Նյու Ֆեշն Գրուպ» ՍՊԸ-ին: Կազմակերպված և գործող ավտոկայանատեղը 2016թ.-ի ընթացքում շահագործելու շարունակման իրավունք ստանալու նպատակով նշված ընկերությունը 2015 թվականի դեկտեմբերի 9-ին վճարել է սահմանված տեղական տուրքը, սակայն համապատասխան դիմում չներկայացնելու պատճառով չի ընդգրկվել Երևան քաղաքի ավագանու 23.12.2015թ. հ.452-Ա որոշման N1 հավելվածում նշված՝ կազմակերպված ծառայողական ավտոկայանատեղերի շահագործումը շարունակելու իրավունք ստացած անձանց ցանկում:

«Նյու Ֆեշն Գրուպ» ՍՊԸ-ի դիմումը Երևանի քաղաքապետարանում մուտքագրվել է 26.02.2016թ.-ին:

Նոր ծառայողական ավտոկայանատեղ կազմակերպելու թույլատրման խնդրանքով է դիմել նաև՝ «ՌՈՒԻ» ՍՊԸ-ն:

ՀՀ ոստիկանության «Ճանապարհային ոստիկանություն» ծառայության հետ համաձայնեցվել է նոր ծառայողական ավտոկայանատեղի տեղաբաշխումը, որի վերաբերյալ առկա է նշված կառույցի 2016 թվականի մարտի 3-ի հ.17-3-3549 գրությունը:

Ծառայողական ավտոկայանատեղը չի կազմակերպվում գորամասերի, ռազմական կամ ազգային անվտանգության համակարգերի շենքերին կամ շինություններին հարակից տարածքներում:

Երևան քաղաքի ավագանու 2013 թվականի դեկտեմբերի 10-ի հ. 93-Ն որոշմամբ սահմանվել է Երևանի քաղաքային համայնքի վարչական տարածքում ծառայողական ավտոկայանատեղերի կազմակերպման կարգը:

Ելնելով վերոգրյալ իրավական ակտերի պահանջներից և սահմանված դրույթներից՝ նախապատրաստվել է Երևան քաղաքի ավագանու «Կազմակերպված ծառայողական ավտոկայանատեղի շահագործումը շարունակելու և ծառայողական ավտոկայանատեղ կազմակերպելու իրավունք տալու մասին» որոշման նախագիծ:



**«ԿԱԶՄԱԿԵՐՊՎԱԾ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂԻ ՇԱՀԱԳՈՐԾՈՒՄԸ  
ՇԱՐՈՒՆԱԿԵԼՈՒ ԵՎ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂ ԿԱԶՄԱԿԵՐՊԵԼՈՒ ԻՐԱՎՈՒՆՔ  
ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ  
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՍ  
ԲԱՑԱԿԱՅՈՒԹՅԱՆ ՄԱՍԻՆ**

«Կազմակերպված ծառայողական ավտոկայանատեղի շահագործումը շարունակելու և ծառայողական ավտոկայանատեղ կազմակերպելու իրավունք տալու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

**ՏԵՂԵԿԱՆՔ**

**«ԿԱԶՄԱԿԵՐՊՎԱԾ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂԻ ՇԱՀԱԳՈՐԾՈՒՄԸ  
ՇԱՐՈՒՆԱԿԵԼՈՒ ԵՎ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂ ԿԱԶՄԱԿԵՐՊԵԼՈՒ ԻՐԱՎՈՒՆՔ  
ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ  
ԿԱՊԱԿՑՈՒԹՅԱՄԲ ԵՐԵՎԱՆ ՀԱՄԱՅՆՔԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ  
ՄՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

«Կազմակերպված ծառայողական ավտոկայանատեղի շահագործումը շարունակելու և ծառայողական ավտոկայանատեղ կազմակերպելու իրավունք տալու մասին» Երևան քաղաքի ավագանու որոշման նախագծի ընդունման կապակցությամբ Երևանի 2016 թվականի բյուջեի եկամուտներում և ծախսերում փոփոխությունների անհրաժեշտությունը բացակայում է:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

«ՆՅՈՒ ՖԵՇՆ ԳՐՈՒՊ» ՍՊԸ-ԻՆ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂԻ ՇԱՀԱԳՈՐԾՈՒՄԸ  
 ՇԱՐՈՒՆԱԿԵԼՈՒ ԻՐԱՎՈՒՆՔԻ ՏՐՄԱՆ ՊԱՅՄԱՆՆԵՐԸ

| Հ/Հ | Դիմող                    | Ծառայողական ավտոկա-<br>յանատեղի տարածքի<br>հասցե   | Կայանատեղում<br>«ավտոտեղ»-երի<br>քանակ<br>(տարածքի չափեր) և<br>կայանման ձև | Կազմակերպչի<br>կողմից վճարված<br>տուրք | Այլ տրանսպորտային միջոցների<br>կայանման սահմանափակում,<br>աշխատանքային ռեժիմ  |
|-----|--------------------------|--|--|--|---|
| 1   | 2                        | 3  | 4  | 5                                      | 6   |
| 1   | «Նյու Ֆեշն Գրուպ»<br>ՍՊԸ | Սպենդիարյան փողոցի՝<br>Մեսրոպ Մաշտոցի<br>պողոտա հ.37 շենքի հ.հ.45,<br>46, 86 տարածքներին<br>հարակից<br>ճանապարհահատված | 3 (22.5 գծմ),<br>մեքենաների<br>հաջորդական<br>տեղաբաշխմամբ՝<br>մեկ շարքով   | տարեկան                                | սահմանափակմամբ, բացառությամբ<br>Մեսրոպ Մաշտոցի պող. հ.37<br>հասցեի շենքի այլ սեփակա-<br>նատերերի և օրինական տիրա-<br>պետողների, աշխատանքային<br>ռեժիմը՝ շաբաթվա բոլոր օրերին,<br>ժ.10 <sup>00</sup> -21 <sup>00</sup> |

«ՌՈԼԻ» ՍՊԸ-ԻՆ ԾԱՌԱՅՈՂԱԿԱՆ ԱՎՏՈԿԱՅԱՆԱՏԵՂ ԿԱԶՄԱԿԵՐՊԵԼՈՒ ԻՐԱՎՈՒՆՔԻ ՏՐՄԱՆ ՊԱՅՄԱՆՆԵՐԸ

| Հ/Հ | Դիմող      | Հայցվող ծառայողական կայանատեղի տարածքի հասցե  | Կայանատեղում «ավտոտեղ»-երի քանակ (տարածքի չափեր) և կայանման ձև | Կազմակերպչի կողմից տուրքի վճարման պատրաստակամություն | Այլ տրանսպորտային միջոցների կայանման սահմանափակում, աշխատանքային ռեժիմ |
|-----|------------|---|--|--|--|
| 1   | 2          | 3   | 4  | 5  | 6  |
| 1   | «ՌՈԼԻ» ՍՊԸ | Գրիբոյեդովի փողոցի՝ հ.5 շենքի հ.1 տարածքին հարակից ճանապարհահատվածի երթևեկելի մասի տեղային լայնացման հատված | 3 (22,5 գծմ), մեքենաների հաջորդական տեղաբաշխմամբ՝ մեկ շարքով   | տարեկան  | առանց սահմանափակման  |